



Broj: UP08-07-1-679/13
Sarajevo, 25.06.2013.godine

Ministarstvo pravde Bosne i Hercegovine, rješavajući Zahtjev Taekwondo saveza Bosne i Hercegovine, sa sjedištem u Sarajevu, ulica Alipašina bb, za upis u Registar udruženja, na osnovu člana 8. i 33. Zakona o udruženjima i fondacijama Bosne i Hercegovine ("Službeni glasnik BiH", br. 32/01, 42/03, 63/08 i 76/11), člana 4. stav 1) Pravilnika o načinu vođenja registra udruženja i fondacija Bosne i Hercegovine i stranih i međunarodnih udruženja i fondacija i drugih neprofitnih organizacija ("Službeni glasnik BiH", broj: 44/10 i 14/12) i člana 22. stav 3. Zakona o sportu u Bosni i Hercegovini („Službeni glasnik BiH“, br: 27/08 i 102/09) donosi

RJEŠENJE

1. U Registar udruženja kod Ministarstva pravde Bosne i Hercegovine, za taekwondo sport u Bosni i Hercegovini upisuje se:
 - a) Taekwondo savez Bosne i Hercegovine
Теквондо савез Босне и Херцеговине
Taekwondo savez Bosne i Hercegovine
 - b) Skraćeni naziv glasi: TKDS BiH
ТКДС БиХ
TKDS BiH
 - c) Savez će koristiti naziv na engleskom jeziku koji glasi:
Taekwondo Federation of Bosnia and Herzegovina.
 - d) Sjedište Saveza je: Sarajevo, ulica Alipašina bb.
2. Upis je izvršen pod registarskim brojem 1453 Knjiga I Registra sa danom 25.06.2013.godine
3. Danom upisa u Registar udruženja kod Ministarstva pravde Bosne i Hercegovine, Savez stiče svojstvo pravnog lica i ima slobodu djelovanja na cijelom području Bosne i Hercegovine, isključivo pod registrovanim nazivom.
4. Savez ima svoj znak. Znak Saveza predstavlja granicu Bosne i Hercegovine iscrtanu plavom i žutom bojom sa siluetama dva taekwondo borca sa lijeve strane.
5. Ciljevi i djelatnosti Saveza su: unapređenje, planiranje i omasovljenje i razvijanje taekwondo sporta u Bosni i Hercegovini; organizovanje, unapređenje i koordinacija aktivnosti članova Saveza; saradnja sa odgovarajućim državnim, društvenim, naučnim i stručnim, domaćim i međunarodnim organizacijama na unapređenju taekwondo sporta; organizovanje domaćih i međunarodnih taekwondo takmičenja u Bosni i Hercegovini; obrazovanje i usavršavanje stručnih kadrova-trenera, instruktora, sudija i drugih; donošenje i ostvarivanje dugoročnih i kratkoročnih planova i programa razvoja taekwondo sporta u skladu sa Strategijom razvoja sporta u Bosni i Hercegovini; donošenje osnova sistema i kalendara takmičenja u organizaciji Saveza; utvrđivanje kriterija za dodjelu nagrada i priznanja za ostvarene rezultate; briga o pripremi za nastupe članova državne reprezentacije na zvaničnim međunarodnim takmičenjima; usklađivanje aktivnosti članova Saveza, zaštita i poštivanje prava članova i rješavanje sporova među njima.
6. Lica ovlaštena za zastupanje Saveza su:
 - Duško Kusmuk, član Predsjedništva Saveza iz Zvornika, ulica Karadorđeva broj S-44;
 - Zejd Dukmenić, član Predsjedništva Saveza iz Sarajeva, ulica Mulabegovića broj 1;
 - August Orlović, član Predsjedništva Saveza iz Livna, ulica Mali Kablić bb;
 - Meldina Ugarak, generalni sekretar Saveza iz Visokog, Donje Moštre bb i
 - Zoran Savić, zamjenik gneralnog sekretara Saveza iz Han Pijeska, ulica II Romanijske brigade broj 12.

7. U slučaju nastupanja promjena činjenica koje su upisane u Registar, Udruženje je dužno u skladu sa članom 43. stav 1. Zakona o udruženjima i fondacijama Bosne i Hercegovine podnijeti ovom Ministarstvu zahtjev za izmjenu i dopunu registracije, u roku od 30 dana od dana nastale promjene.
8. Ovo Rješenje će se objaviti u „Službenom glasniku BiH“, o trošku podnosioca zahtjeva.

Obrazloženje

Taekwondo savez Bosne i Hercegovine, sa sjedištem u Sarajevu, ulica Alipašina bb je 08.04.2013.godine, podnio Zahtjev za upis u Registar udruženja kod Ministarstva pravde Bosne i Hercegovine.

Uz zahtjev za upis u Registar udruženja priložena je slijedeća dokumentacija: Odluka o osnivanju Taekwondo saveza Bosne i Hercegovine, broj: 01-3/13 od 27.03.2013.godine, sa potpisom osnivača i predsjedavajućeg osnivačke Skupštine; Statut Taekwondo saveza Bosne i Hercegovine, broj: 01-2/13 od 27.03.2013.godine u dva primjerka; Odluka o imenovanju lica ovlaštenih za zastupanje Saveza, broj: 01-8/13 od 27.03.2013.godine, Odluka o imenovanju generalnog sekretara i zamjenika, broj: 01-7/13 od 27.03.2013.godine; Odluka o imenovanju članova Upravnog odbora Saveza, broj: 01-6/13 od 27.03.2013.godine sa potpisom svih članova Upravnog odbora; Odluka o imenovanju članova Predsjedništva Saveza, broj: 01-1/13 od 27.03.2013.godine; Odluka o imenovanju Nadzornog odbora Saveza, broj: 01-5/13 od 27.03.2013.godine; Odluka o imenovanju predsjednika i potpredsjednika Skupštine, broj: 01-4/13 od 27.03.2013.godine; Odluka Skupštine Tekvon-do saveza Republike Srpske, broj: 02-2/13 od 01.07.2012.godine; Izvod iz sudskog registra Osnovnog suda Banja Luka, Broj: F-1-1-194/04 od 05.06.2013.godine o upisu u registar Taekwondo saveza Republike Srpske; Odluka Skupštine Taekwondo saveza Federacije Bosne i Hercegovine, broj: 22-02/13 od 15.12.2012.godine; Potvrda Federalnog Ministarstva pravde, Broj. 03-49-1891/13 od 10.05.2013.godine o upisu u Registar Taekwondo saveza Federacije Bosne i Hercegovine; ovjeren potpis lica ovlaštenih za zastupanje sa ovjerenim fotokopijama ličnih karata; ovjeren prijevod naziva Saveza na engleski jezik preveden od strane sudskog tumača za engleski jezik od 05.03.2013.godine; ovjerene fotokopije ličnih karata članova Upravnog odbora Saveza, primjerak znaka Saveza i Zapisnik Osnivačke Skupštine Saveza od 27.03.2013.godine.

Imajući u vidu da je Ministarstvo civilnih poslova Bosne i Hercegovine aktom broj: 1-35-10-517 JIB/13 od 28.02.2013.godine dalo saglasnost Taekwondo savezu Federacije Bosne i Hercegovine i Tekvondo savezu Republike Srpske da se Taekwondo savez Bosne i Hercegovine može registrovati na nivou krovnog saveza Bosne i Hercegovine, te da je isto Ministarstvo utvrdilo da su ispunjeni uslovi iz člana 22. stav 3. Zakona o sportu u Bosni i Hercegovini, pa je saglasno da se u svrhu razvoja ovog sporta izvrši registracija Taekwondo saveza Bosne i Hercegovine, na osnovu činjenica utvrđenih u postupku, ispunjeni su uslovi predviđeni Zakonom o udruženjima i fondacijama Bosne i Hercegovine i Pravilnikom o načinu vođenja registra udruženja i fondacija Bosne i Hercegovine i stranih i međunarodnih udruženja i fondacija i drugih neprofitnih organizacija za upis u Registar Taekwondo saveza Bosne i Hercegovine kod Ministarstva pravde Bosne i Hercegovine, pa je doneseno Rješenje kao u dispozitivu.


Na ovo Rješenje naplaćena je administrativna taksa u iznosu od 200,00 KM u skladu sa članom 33.a) navedenog Pravilnika.

Pouka o pravnom lijeku:

Protiv ovog rješenja nije dopuštena žalba, ali se može pokrenuti upravni spor, tužbom pred Sudom Bosne i Hercegovine. Rok za podnošenje tužbe je 60 dana od dana prijema ovog rješenja.

Dostavljeno

- Taekwondo savez Bosne i Hercegovine, ulica Alipašina bb, 71000 Sarajevo,
- sa ovjernim Statutom broj: 01-2/13 od 27.03.2013.godine;
- Zbirka isprava;
- JP NIO «Službeni list BiH».



Na osnovu člana 10. i 12. Zakona o udruženjima i fondacijama Bosne i Hercegovine ("Službeni glasnik BiH" broj 32/01, 42/03, 63/08 i 76/11) i člana 22. stav 3. Zakona o sportu u Bosni i Hercegovini ("Službeni glasnik BiH" broj 27/08 i 102/09), Osnivačka Skupština Taekwondo saveza Bosne i Hercegovine, na sjednici održanoj dana 27. 03. 2013. godine u Sarajevu, usvojila je:

STATUT TAEKWONDO SAVEZA BOSNE I HERCEGOVINE

I - OPŠTE ODREDBE

Član 1.

(1) Taekwondo savez Bosne i Hercegovine (u daljem tekstu: Savez), osnovan je Odlukom o osnivanju Taekwondo saveza Bosne i Hercegovine donesenoj na osnivačkoj Skupštini održanoj dana 27. 03. 2013. godine, na osnovu odluke Skupštine Taekwondo saveza Federacije Bosne i Hercegovine (u daljem tekstu: TKDS F BiH), broj: 22-02/13 od 15.12.2012.godine i Taekwondo saveza Republike Srpske (u daljem tekstu: TS RS) broj: 02-2/13 od 01. 07. 2012. godine, u skladu Zakonom o udruženjima i fondacijama Bosne i Hercegovine i Zakonom o sportu u Bosni i Hercegovini (u daljem tekstu: Zakon o sportu).

(2) TS RS i TKDS F BiH (u daljem tekstu: Članice Saveza).

Član 2.

Ovim Statutom u skladu sa članom 12. Zakona o udruženjima i fondacijama Bosne i Hercegovine (u daljem tekstu: Zakon) uređuje se:

- a) naziv, skraćeni naziv i sjedište Saveza;
- b) ciljevi i djelatnosti Saveza;
- c) postupak za primanje i isključivanje članova Saveza;
- d) organi Saveza, način izbora organa upravljanja, ovlaštenja, donošenja odluka, trajanje mandata, uslovi i način raspuštanja organa, odnosno prestanka rada;
- e) opis, oblik i sadržaj pečata i znaka Saveza;
- f) sredstva za rad i finansiranje Saveza, pravila za korištenje i raspolaganje sredstvima Saveza, organ koji vrši nadzor nad korištenjem sredstava;
- g) javnost rada Saveza;
- h) opšti akti Saveza, odnosno postupak za izmjene i dopune Statuta, ovlaštenja i način donošenja drugih opštih akata;
- i) zastupanje i predstavljanje Saveza;
- j) uslovi i postupak za spajanje, podjelu, odnosno prestanak rada Saveza, uključujući i bilo kakav poseban kvorum ili pravila za postizanje kvalificirane većine u postupku glasanja;
- k) druga pitanja od značaja za organizaciju i djelovanje Saveza.

Član 3.

(1) Savez je nevladina, nestranačka, nezavisna, neprofitna sportska organizacija, osnovana u cilju unapređenja i razvoja taekwondo sporta u Bosni i Hercegovini, u skladu sa Zakonom i ovim Statutom.

(2) Savez ne dopušta rasnu, nacionalnu, vjersku, polnu i političku diskriminaciju, te kršenje sloboda i prava čovjeka.

Član 4.

(1) Savez ima svojstvo pravnog lica, koje stiče upisom u Registar kod nadležnog Ministarstva.

(2) Savez u pravnom prometu nastupa samostalno, u svoje ime i u okviru svojih pravnih mogućnosti obavlja svoje pravne poslove.

(3) Za obaveze preuzete u pravnom prometu, Savez odgovara svojom cjelokupnom imovinom (potpuna odgovornost).

(4) Savez ima žiro račun otvoren kod poslovnih banaka u Bosni i Hercegovini.

II NAZIV, SJEDIŠTE I PODRUČJE DJELOVANJA SAVEZA

Član 5.

(1) Naziv Saveza je:

- a) Taekwondo savez Bosne i Hercegovine,
- b) Теквондо савез Босне и Херцеговине,
- c) Taekwondo savez Bosne i Hercegovine.

(2) Skraćeni naziv glasi:

- a) TKDS BiH,
- b) ТКДС БиХ,
- c) TKDS BiH.

(3) Naziv Saveza na engleskom jeziku je: Taekwondo Federation of Bosnia and Herzegovina.

(4) Naziv Saveza je istovjetan na sva tri službena jezika koja su u upotrebi u Bosni i Hercegovini.

(5) Službena upotreba je na ćirilicom i latiničnom pismu.

Član 6.

Savez djeluje na cijelom području Bosne i Hercegovine.

Član 7.

Sjedište Saveza je u Sarajevu, ulica Alipašina bb.

III CILJEVI I DJELATNOSTI SAVEZA

Član 8.

Ciljevi i djelatnosti Saveza:

- a) unapređenje, planiranje i omasovljenje i razvijanje taekwondo sporta u Bosni i Hercegovini;
- b) organizovanje, unapređenje i koordinacija aktivnosti članova Saveza;
- c) saradnja sa odgovarajućim državnim, društvenim, naučnim i stručnim, domaćim i međunarodnim organizacijama na unapređenju taekwondo sporta;
- d) organizovanje domaćih i međunarodnih taekwondo takmičenja u Bosni i Hercegovini;
- e) obrazovanje i usavršavanje stručnih kadrova-trenera, instruktora, sudija i drugih;
- f) donošenje i ostvarivanje dugoročnih i kratkoročnih planova i programa razvoja taekwondo sporta u skladu sa Strategijom razvoja sporta u Bosni i Hercegovini;
- g) donošenje osnova sistema i kalendara takmičenja u organizaciji Saveza;
- h) utvrđivanje kriterija za dodjelu nagrada i priznanja za ostvarene rezultate;
- i) Briga o pripremi za nastupe članova državne reprezentacije na zvaničnim međunarodnim takmičenjima;
- j) usklađivanje aktivnosti članova Saveza, zaštita i poštivanje prava članova i rješavanje sporova među njima.

IV POSTUPAK ZA PRIJEM I PRESTANAK ČLANSTVA

Član 9.

(1) Svojstvo člana Saveza se stiče isključivo preko jedne od Članice Saveza, a mogu ga ostvariti savezi, klubovi, udruženja, asocijacije i druge organizacije, koji su registrovani kod nadležnih organa za obavljanje djelatnosti taekwondo sporta u Bosni i Hercegovini, u skladu sa Zakonom.

(2) Članstvo u Savezu je dobrovoljno.

(3) Članovi Saveza mogu biti:

- a) redovni
- b) počasni

(4) Redovni članovi Saveza su lica iz stava 1. ovog člana.

(5) Odluku o prijemu novih članova donosi Skupština Saveza.

(6) Redovni članovi potpisuju izjavu o prihvatanju Statuta i ciljeva Saveza.

(7) Počasni članovi su lica koja materijalno ili na drugi način pomažu rad Saveza bez prava glasa.

(8) Počasni članovi učestvuju u radu Saveza savjetodavnom funkcijom.

(9) Pridruženi i počasni članovi mogu biti pojedinci i pravna lica.

(10) Naziv počasnog člana dodjeljuje Skupština na prijedlog Upravnog odbora Saveza.

(11) Savez vodi registar članova Saveza.

Član 10.

Članovi Saveza imaju jednaka prava da:

- a) aktivno učestvuju u radu i odlučivanju u svim organima i radnim tijelima Saveza,
- b) preko Članice Saveza biraju i budu birani u organe i radna tijela Saveza,
- c) aktivno učestvuju u utvrđivanju programa i plana rada Saveza i njihovoj realizaciji,
- d) ostvaruju uvid u rad Saveza, pokreću akcije, predlažu i preduzimaju mjere za ostvarivanje ciljeva, zadataka i programa rada Saveza,
- e) ostvaruju zaštitu svojih prava.

Član 11.

Članovi Saveza su obavezni da:

- a) poštuju odredbe Statuta i drugih opštih akata Saveza,
- b) međusobno sarađuju radi ostvarivanja ciljeva i zadataka utvrđenih ovim Statutom, drugim aktima Saveza i odlukama njegovih organa,
- c) aktivno učestvuju u obezbjeđenju realizacije usvojenih programa i planova Saveza i drugih obaveza od interesa za taewondo sport u cjelini,
- d) učestvuju u stručnim aktivnostima Saveza,
- e) rade i postupaju u skladu sa ovim Statutom i drugim aktima Saveza,
- f) razvijaju sportski duh i moralne vrijednosti kod sportista, sportskih radnika i taekwondo - sportskih organizacija u cjelini,
- g) vode posebnu brigu o realizaciji programa priprema i nastupima kandidata za Reprezentacije - selekcije Bosne i Hercegovine,
- h) učestvuju u finansiranju troškova i raspodjeli dobiti Saveza u skladu sa usvojenim finansijskim planovima i čuvanju njegove imovine.

Član 12.

- (1) U slučaju izuzetnih zasluga, osnivačima, donatorima i ostalim članovima Saveza može se dodijeliti priznanje Saveza.
- (2) Odluku o dodjeli priznanja donose Izvršni odbor za WTF i Izvršni odbor za ITF, a pismeno priznanje potpisuje predsjednik Izvršnog odbora koji donosi Odluku.
- (3) Pravilnik o dodjeli priznanja donosi Upravni odbor Saveza na prijedlog Izvršnog odbora za WTF i Izvršnog odbora za ITF.

Član 13.

Članstvo u Savezu prestaje:

- a) dobrovoljnim istupanjem člana Saveza,
- b) gubljenjem svojstva pravnog lica člana Saveza,
- c) odlukom Skupštine o isključenju,
- d) prestankom rada Saveza.

Član 14.

- (1) Udružena Članica Saveza može povući svoje članstvo iz Saveza po vlastitoj volji na kraju finasijske godine pod uslovom da je to najavila kancelariji u sjedištu Saveza najkasnije tri mjeseca prije isteka finasijske godine.
- (2) Povlačenje se najavljuje pismeno preporučenom poštom na adresu kancelarije Saveza.
- (3) Članica Saveza mora izmiriti svoje finasijske obaveze prema Savezu prije nego što se povuče.

Član 15.

- (1) Predstavnik Članice Saveza u organima ili radnim tijelima Saveza koji djeluje suprotno odredbama Statuta, pravilnika i odluka Saveza, ne izvršava svoje obaveze ili svojim postupcima narušava ugled Saveza, može biti opozvan od strane Članice Saveza, kao i na prijedlog organa ili radnog tijela Saveza u kojeg je izabran ili imenovan.
- (2) Prije donošenja odluke o opozivu, predstavnik Članice Saveza mora biti pismeno obaviješten o prijedlogu za opoziv, kao i razlozima zbog kojih se opoziv predlaže.
- (3) Odluku o opozivu iz organa ili radnih tijela Saveza donosi nadležni organ Članice Saveza.
- (4) Predstavnik Članice Saveza u organima ili radnim tijelima Saveza, koji je nezadovoljan odlukom iz prethodnog stava, može uložiti prigovor Skupštini Članice Saveza u roku od 15 dana od dana prijema obavijesti.
- (5) Odluka Skupštine Članice Saveza po žalbi je konačna.

V ORGANI SAVEZA

Član 16.

Organi Saveza su :

1. Skupština;
2. Upravni odbor;
3. Nadzorni odbor;
4. Predsjedništvo Saveza;
5. Generalni sekretar i zamjenik
6. Izvršni odbor za WTF
7. Izvršni odbor za ITF

1. SKUPŠTINA SAVEZA

Član 17.

- (1) Skupština Saveza (u daljem tekstu: Skupština) je najviši organ upravljanja Saveza.
- (2) Skupština broji 33 (tridesettri) delegata, imenovana od strane Članica Saveza i to: 22 (dvadesetdva) delegata iz TKDS F BiH i 11 (jedanaest) delegata iz TS RS.

- (3) Skupština ima predsjednika i potpredsjednika Skupštine koje imenuje i razriješava Skupština Saveza.
- (4) Mandat predsjednika i potpredsjednika je četiri godine uz mogućnost reizbora.
- (5) Predsjednik i potpredsjednik su iz različitih Članica Saveza.
- (6) Skupština koristi pečat Saveza označen brojem 3 (tri).

Član 18.

- (1) Sjednica Skupštine može biti redovna i vanredna.
- (2) Redovna sjednica Skupštine se saziva najmanje jednom godišnje.
- (3) Sjednicu Skupštine saziva predsjednik Skupštine najkasnije u roku od 30 dana prije njenog zasjedanja, a materijali se dostavljaju najkasnije u roku 15 dana prije njenog zasjedanja.
- (4) Predsjednik je dužan sazvati vanrednu sjednicu Skupštine u slučaju kada to zahtjeva najmanje 1/3 članova Skupštine ili kada to zatraži predsjednik Upravnog ili Nadzornog odbora Saveza, ili jedna od Članice Saveza.

Član 19.

- (1) Ako Predsjednik ne sazove vanrednu Skupštinu u roku od 15 dana, u slučajevima iz člana 18. ovog Statuta, Odluku o sazivanju Skupštine donijet će predlagrač.
- (2) Poziv za održavanje vanredne Skupštine sa prijedlogom dnevnog reda, vremenom i mjestom održavanja i potrebnim materijalima, dostavlja se delegatima Skupštine Saveza, članovima Upravnog odbora Saveza, najkasnije u roku od 30 dana od dana održavanja Skupštine.
- (3) Delegati Skupštine, mogu dostaviti prijedlog za izmjenu dnevnog reda najkasnije 15 dana prije održavanja Skupštine.
- (4) Prijedlozi za izmjenu i dopunu dnevnog reda sa obrazloženjem i eventualnim pisanim materijalima, dostavljaju se Upravnom odboru Saveza.
- (5) Prijedlozi kandidata za članove Upravnog i Nadzornog odbora Saveza, Izvršnog odbora za WTF i Izvršnog odbora za ITF, odnosno funkcije članova Predsjedništva, koje predlažu TKDS F BiH i TS RS, moraju biti dostavljeni pisanim putem Upravnom odboru Saveza, najkasnije 15 dana prije održavanja Skupštine.
- (6) Izabrani delegati za članove Skupštine, u smislu prethodnih stavova, moraju biti verifikovani na prvoj sjednici Skupštine.
- (7) U prilogu zahtjeva dostaviti Odluku o verifikaciji članova Skupštine iz člana 17. ovog Statuta.

Član 20.

- (1) Odluke u Skupštini se donose javnim glasanjem, a samo izuzetno tajnim glasanjem o čemu odlučuje 2/3 ukupnog broja članova Skupštine.
- (2) Skupština radi i odlučuje u skladu sa Statutom i Poslovnikom o radu.
- (3) Skupština bira zapisničara na početku rada sjednice koji vodi zapisnik.
- (4) Zapisnik mora da odražava bitan tok rada i suštinu svih odluka i stavova Skupštine.

Član 21.

- (1) Kvorum Skupštine za redovan rad i sva ostala pitanja iz nadležnosti Skupštine je 21 delegat, od kojih je najmanje 6 (šest) iz TS RS, odnosno 12 (dvanaest) iz TKDS F BiH.

(2) Odluka iz stava (1) ovog člana je punovažna ako je za istu glasala većina prisutnih članova, a najmanje 5 (pet) delegata iz TS RS, odnosno 10 (deset) iz TKDS F BiH.

(3) Kvorum Skupštine, za pitanja izmjene i dopune Statuta i izbora u organe Saveza, je 25 (dvadesetpet) delegata, od kojih je najmanje 8 (osam) iz TS RS, odnosno 16 (šesnaest) iz TS F BiH.

(4) Odluka iz stava (3) ovog člana je punovažna ako je za istu glasalo dvije trećine od ukupnog broja članova Skupštine, od kojih je najmanje 7 (sedam) iz TS RS, odnosno 15 (petnaest) iz TKDS F BiH.

Član 22.

Odluka o spajanju, podjeli ili prestanku rada Saveza, je punovažna ako je za istu glasalo dvije trećine od ukupnog broja članova Skupštine, od kojih je najmanje 7 (sedam) iz TS RS, odnosno 15 (petnaest) iz TKDS F BiH.

Član 23.

1) Predsjednik Skupštine:

- a) stara se o organizovanju Skupštine i saziva njene sjednice,
- b) predlaže dnevni red sjednice,
- c) predsjedava sjednicama Skupštine,
- d) potpisuje akte donesene na Skupštini,
- e) stara se o izvršavanju odluka, zaključaka i drugih akata Skupštine,
- f) koordinira rad organa i tijela Skupštine,
- g) vrši i druge poslove koje mu odredi Skupština.

2) Predsjednika Skupštine u slučaju spriječenosti ili odsutnosti mijenja potpredsjednik Skupštine sa istim pravima i obavezama kao predsjednik.

Član 24.

Skupština ima ovlaštenja da:

- a) donosi i mijenja Statut Saveza i druga akta određena ovim Statutom,
- b) razmatra i odobrava izvještaje o radu organa Saveza,
- c) bira i razrješava članove Predsjedništva Saveza, predsjednika i potpredsjednika Skupštine Saveza, članove Upravnog odbora i predsjednika i članove Nadzornog odbora,
- d) bira i razrješava Generalnog sekretara i zamjenika Generalnog sekretara Saveza,
- e) donosi odluku o imenovanju lica ovlaštenih za zastupanje Saveza,
- f) razmatra i odobrava finansijske planove i izvještaje o finansijskom poslovanju Saveza,
- g) razmatra i usvaja izvještaje koje podnese Izvršni odbor za WTF i Izvršni odbor za ITF,
- h) razmatra i usvaja izvještaje koje podnese Upravni odbor i Nadzorni odbor Saveza,
- i) donosi odluku o promjeni naziva, sjedišta i znaka Saveza,
- j) donosi odluku o spajanju, podjeli i prestanku rada Saveza,
- k) usvaja i mijenja Poslovnik o radu Skupštine,

- l) donosi odluku o prijemu novih članica u Savez, u skladu sa ovim Statutom i Zakonom;
- m) donosi Poslovnik o radu Skupštine,
- n) donosi odluke o zahtjevima članova Saveza u drugom stepenu,
- o) donosi odluku o prestanku rada Saveza i raspodjeli preostale imovine nakon raspuštanja Saveza,
- p) obavlja i druge poslove koji nisu u nadležnosti drugih organa Saveza u skladu sa zakonom, ovim statutom i drugim aktima Saveza.

2. UPRAVNI ODBOR SAVEZA

Član 25.

- (1) Upravni odbor Saveza (u daljem tekstu: Upravni odbor) je izvršni, operativni organ Saveza.
- (2) Upravni odbor broji 9 (devet) članova i to: 3 (tri) člana Predsjedništva, 4 (četiri) člana iz TKDS F BiH i 2 (dva) člana iz TS RS.
- (3) Sjednicama Upravnog odbora predsjedava predsjedavajući Predsjedništva Saveza.
- (4) Članove Upravnog odbora bira Skupština na prijedlog Članica Saveza.
- (5) Mandat članova Upravnog odbora je četiri godine uz mogućnost reizbora.
- (6) Upravni odbor koristi pečat Saveza označen brojem 4 (četiri).

Član 26.

- (1) Upravni odbor radi na sjednicama, u skladu sa ovim Statutom i Poslovnikom o radu.
- (2) Upravni odbor svoje sjednice održava najmanje jednom u 3 (tri) mjeseca, a vanredne po potrebi.
- (3) Kvorum za rad Upravnog odbora je 6 (šest) članova, od kojih su najmanje prisutna 2 (dva) člana iz TS RS, odnosno 4 (četiri) člana iz TKDS F BiH,
- (4) Odluka iz stava (3) ovog člana je punovažna ako je za istu glasala nadpolovična većina ukupnog broja članova Upravnog odbora, od kojih su najmanje 2 (dva) člana iz TS RS, odnosno 3 (tri) člana iz TKDS F BiH.
- (5) Članovi Upravnog odbora imaju jednaka prava, dužnosti i odgovornosti u radu Upravnog odbora.

Član 27

- (1) Svaki kandidat za člana Upravnog odbora potvrđuje volju za prihvatanje funkcije, člana ovog tijela Saveza, pred Skupštinom.
- (2) Generalni sekretar i zamjenik Generalnog sekretara su obavezani prisustvovati sjednicama Upravnog odbora i dužni su zapisnik sa sastanka Upravnog odbora dostaviti u roku sedam dana članovima Upravnog odbora.
- (3) Ako je član Upravnog odbora trajno spriječen u obavljanju funkcije, biće zamijenjen Odlukom Upravnog odbora, do isteka mandata zamjenjenog člana.
- (4) Skupština na prvoj narednoj sjednici verifikuje ove promjene.
- (5) Svaki član Upravnog odbora mora biti predložen od strane Članice Saveza.

Član 28.

Upravni odbor obavlja slijedeće poslove:

- a) priprema sjednice Skupštine,
- b) priprema i predlaže nacrt Statuta i drugih opštih akata, koje donosi Skupština, i njegovih izmjena i dopuna,
- c) provodi politiku, zaključke i druge odluke koje je donijela Skupština,
- d) upravlja zajedničkom imovinom Saveza.
- e) podnosi godišnji ili periodični izvještaj o svom radu Skupštini na usvajanje,
- f) obezbjeđuje provođenje Statuta i drugih opštih akata i odluka Skupštine,
- g) donosi opšte akte iz svoje nadležnosti,
- h) utvrđuje prijedloge godišnjeg programa rada i finasijskih planova,
- i) koordinira rad i razvija saradnju sa Izvršnim odborom za WTF i Izvršnim odborom za ITF radi uspješnog ostvarivanja rada Saveza,
- j) prati provedbu finasijskog plana i donosi odluke o upotrebi sredstava,
- k) priprema izvještaje, analize, informacije i druge materijale za Skupštinu,
- l) donosi poslovnik o svom radu, radu komisija drugih tijela koje osniva,
- m) određuje naredbodavca i utvrđuje ovlaštenja za finasijsko poslovanje Saveza,
- n) donosi pravilnik o disciplinskoj i materijalnoj odgovornosti članova Saveza,
- o) odlučuje o organizaciji i načinu obavljanja stručnih i administrativno-tehničkih poslova za potrebe Saveza,
- p) utvrđuje programe i planove Saveza,
- q) donosi Poslovnik o radu Upravnog odbora,
- r) daje tumačenja opštih akata Saveza,
- s) obavlja i druge poslove u skladu sa Zakonom, i ovim Statutom ili ukoliko mu to odredi Skupština.

Član 29.

(1) Predsjedavajući Predsjedništva Saveza u Upravnom odboru obavlja sledeće poslove:

- a) saziva i predsjedava sjednicama Upravnog odbora,
- b) potpisuje akte koje donosi Upravni odbor,
- c) za svoj rad odgovara Skupštini,
- d) izdaje naloge za izvršenje plana prihoda i rashoda,
- e) vrši i druge poslove za koje je ovlašten statutom ili koje mu povjeri Skupština.

(2) U odsustvu Predsjedavajućeg, zamjenjuje ga jedan od članova Predsjedništva, sa istim pravima i obavezama kao Predsjedavajući.

Član 30.

(1) Članu Upravnog odbora mandat može prestati i prije vremena na koji je izabran:

- a) opozivom od strane Članice Saveza koja ga je predložila,
- b) suspenzijom ili isključenjem od strane Skupštine ili Upravnog odbora,
- c) ostavkom,

d) nastankom okolnosti usljed kojih nije u mogućnosti obavljati svoju dužnost.

(2) Članu Upravnog odbora izabranom na mjestu člana, kojem je prestao mandat u skladu sa stavom 1. ovog člana, mandat traje do isteka mandata Upravnog odbora istog saziva.

(3) Ostavka člana se ne razmatra, nego se samo konstatuje.

Član 31.

(1) Upravni odbor ima mandat da zatraži smjenu člana, koji ne prisustvuje tri puta za redom sjednicama Upravnog odbora, odnosno ako se dokaže da je kriv za teške propuste u obavljanju svojih zadatka ili da je neispravno postupio.

(2) Upravni odbor za utvrđene teške povrede i propuste iz stava (1) ovog člana, zahtjeva od Članice Saveza zamjenskog člana do isteka mandata, uz obaveznu verifikaciju na prvoj narednoj sjednici Skupštine.

3. NADZORNI ODBOR

Član 32.

(1) Nadzorni odbor Saveza (u daljem tekstu: Nadzorni odbor) je nadzorni organ Saveza.

(2) Nadzorni odbor broji 3 (tri) člana, predsjednik i dva člana predloženi od Članica Saveza i to: 2 (dva) člana iz TKDS F BiH i 1 (jedan) član iz TS RS.

(3) Bira ih Skupština na prijedlog Članica Saveza.

(4) Mandat članova Nadzornog odbora je četiri godine uz mogućnost reizbora.

(5) Članovi Nadzornog odbora ne mogu biti članovi Upravnog odbora niti obnašati bilo koju drugu funkciju u Savezu.

(6) Opoziv članova Nadzornog odbora obavlja se na način kao i kod Upravnog odbora.

(7) Nadzorni odbor koristi pečat Saveza označen brojem 5 (pet).

Član 33.

(1) Nadzorni odbor radi na sjednicama, u skladu sa Statutom i Poslovnikom o radu. Poslovnik o radu Nadzornog odbora donosi Nadzorni odbor.

(2) Nadzorni odbor svoje sjednice održava najmanje jednom godišnje, a vanredno po potrebi.

(3) Sjednice Nadzornog odbora saziva predsjednik Nadzornog odbora po sopstvenoj ocjeni i na zahtjev predsjednika Upravnog odbora, Generalnog sekretara ili njegovog zamjenika.

(4) Nadzorni odbor može raditi i odlučivati samo ako su sjednici prisutna sva tri člana.

(5) Odluka iz stava (4) ovog člana je punovažna ako je za istu glasala nadpolovična većina od ukupnog broja članova Nadzornog odbora, od kojih je najmanje 1 (jedan) član jedne od Članice Saveza.

(6) Članovi Nadzornog odbora imaju jednaka prava, dužnosti i odgovornosti u radu Nadzornog odbora.

Član 34.

(1) Nadzorni odbor ima nadležnost da:

a) nadzire zakonitost u finansijskom poslovanju Saveza,

- b) nadzire izvršavanje ugovornih i drugih obveza Saveza,
- c) prati i analizira ostvarivanje finansijske politike i finansijskog plana Saveza.

(2) Nadzorni odbor ima zadatak da kontroliše:

- a) primjenu Statuta i drugih akata Saveza,
- b) finansijsko poslovanje Saveza,
- c) namjensko korištenje i raspolaganje sredstvima Saveza,
- d) druge poslove koje mu se stave u nadležnost ili proističu iz propisa ili zakona.

(3) Bez saglasnosti Nadzornog odbora, na Skupštini se ne može usvojiti finansijski izvještaj.

(4) U slučaju težih kršenja Statuta i drugih akata Nadzorni odbor može sazvati vanrednu sjednicu Skupštine.

(5) U izvršenju postavljenih zadataka, Nadzorni odbor ima pravo da vrši uvid u svu dokumentaciju Saveza, odnosno Izvršnog odbora za WTF i Izvršnog odbora za ITF.

(6) Nadzorni odbor podnosi izvještaj o svom radu Skupštini najmanje jednom godišnje, na kraju kalendarske godine.

(7) Skupština, ukoliko postoji potreba, može donijeti Pravilnik kojim se bliže uređuju ovlašćenja i način rada Nadzornog odbora u vršenju nadležnosti utvrđenih ovim Statutom.

4. PREDSEDNIŠTVO SAVEZA

Član 35.

(1) Predsjedništvo Saveza (u daljem tekstu: Predsjedništvo) broji 3 (tri) člana, i to: 2 (dva) člana iz TKDS F BiH i 1 (jedan) član iz TS RS.

(2) Predsjedništvo Saveza:

- a) članovi Predsjedništva potpisuju opšta i druga akta ispred Saveza,
- b) prate provođenje programa rada Saveza, kao i odluka i zaključaka Upravnog i Nadzornog odbora Saveza, kao i Izvršnog odbora za WTF i Izvršnog odbora za ITF;

(3) Bira ih Skupština na prijedlog Članica Saveza.

(4) Mandat članova Predsjedništva je četiri godine uz mogućnost reizbora, s tim da u toku mandata svaki od članova Predsjedništva obavlja funkciju predsjedavajućeg Predsjedništva u trajanju od po 16 (šesnaest) mjeseci.

(5) Predsjedavajućeg Predsjedništva u odsutnosti mijenja jedan od članova Predsjedništva.

5. GENERALNI SEKRETAR I ZAMJENIK

Član 36.

(1) Generalnog sekretara i zamjenika Generalnog sekretara imenuje Skupština na prijedlog Članica Saveza, na mandat od 4 (četiri) godine.

(2) Generalni sekretar i njegov zamjenik obavljaju sve administrativno-tehničke poslove Upravnog odbora i Skupštine i nemaju pravo glasa niti izbora u organe Saveza.

- (3) Generalni sekretar ili njegov zamjenik mogu svoje poslove obavljati profesionalno do punog radnog vremena u skladu sa Zakonom o radu, o čemu Odluku donosi Skupština.
- (4) Generalni sekretar i njegov zamjenik za svoj rad odgovaraju Skupštini.
- (5) Generalni sekretar i njegov zamjenik obavljaju sve administrativno-tehničke poslove Izvršnog odbora za WTF i Izvršnog odbora za ITF u zavisnosti od podjele funkcija Članica Saveza.
- (6) Generalni sekretar koristi pečat Saveza označen brojem 6 (šest).
- (7) Zamjenik generalnog sekretara koristi pečat Saveza označen brojem 7 (sedam).

Član 37.

- (1) Generalni sekretar i njegov zamjenik obavljaju sljedeće poslove i zadatke:
 - a) zastupaju Savez u pravnom prometu,
 - b) pripremaju i organizuju pripremu normativnih akata ili drugih materijala koji se razmatraju na sjednicama Skupštine, Upravnog odbora, Izvršnog odbora za WTF i Izvršnog odbora za ITF te drugim organima i tijelima Saveza,
 - c) sprovode i prate provođenje odluka Saveza,
 - d) vode brigu o zakonitom radu organa Saveza,
 - e) izvršavaju odluke Saveza finansijskog karaktera i pripremaju finansijski izvještaj,
 - f) vode poslove registracije, takmičara, trenera i ostalih članova Saveza,
 - g) rade i druge poslove po ovlaštenju Skupštine, u skladu sa Statutom.

Član 38.

- (1) Upravni odbor može, za obavljanje određenih poslova, formirati stručna, stalna ili privremena tijela Saveza, o čemu donosi odluku, kojom se utvrđuje broj, sastav i zadaci.
- (2) Posebnom odlukom Upravni odbor utvrđuje uslove i mandat članova stručnih komisija.
- (3) Komisija razmatra, pitanja zbog čega je formirana, i daje prijedloge Upravnom odboru.

4. IZVRŠNI ODBOR ZA WTF

Član 39.

- (1) Izvršni odbor za WTF je organ upravljanja WTF sportom u Savezu.
- (2) Izvršni odbor za WTF broji 7 (sedam) članova (predsjednik, podpredsjednik i 5 (pet) članova), koje imenuje Izvršni odbor za WTF na prijedlog Članice Saveza.
- (3) Mandat članova Izvršnog odbora za WTF je četiri godine uz mogućnost reizbora.
- (4) Izvršni odbor za WTF ima svoj podračun.
- (5) Izvještaj o svom radu i finansijskom poslovanju Izvršni odbor za WTF podnosi Skupštini na kraju svake kalendarske godine, a po potrebi i kvartalno na zahtjev.
- (6) Izvršni odbor za WTF koristi pečat Saveza označen brojem 1 (jedan).

Član 40.

Izvršni odbor za WTF:

- a) donosi program rada Izvršnog odbora za WTF i smjernice razvoja WTF sporta u BiH,
- b) razmatra i odobrava finansijske planove i izvještaje o finansijskom poslovanju za WTF,
- c) donosi, usvaja i mijenja Poslovnik o svom radu,
- d) donosi odluke o sistemu takmičenja WTF sporta na nivou Bosne i Hercegovine i nižim nivoima,
- e) donosi odluku o prijemu novih članova WTF-a, u skladu sa ovim Statutom i Zakonom,
- f) vodi registar članova WTF-a i izdaje članske karte Saveza za članove WTF-a,
- g) utvrđuje politiku međunarodne sportske saradnje i program međunarodnih takmičenja za WTF,
- h) osniva stalna i povremena radna tijela WTF-a, komisije, odbore, imenuje i razrješava njihove predsjednike i članove i potvrđuje im programe rada,
- i) razmatra i rješava žalbe WTF članova u prvom stepenu,
- j) utvrđuje disciplinsku odgovornost WTF članova,
- k) razmatra izvještaje o radu stalnih i povremenih radnih tijela,
- l) donosi Pravila i propozicije organizovanja i provođenja prvenstvenih WTF takmičenja,
- m) utvrđuje kalendar i odlučuje o mjestima održavanja državnih prvenstava, međunarodnih takmičenja i njihovim organizatorima za WTF,
- n) daje tumačenja opštih akata Izvršnog odbora za WTF,
- o) upravlja imovinom koju koristi WTF,
- p) donosi odluku o visini godišnje članarine WTF članova,
- q) priprema izvještaje, analize, informacije i druge materijale za Skupštinu,
- r) određuje naredbodavca i utvrđuje ovlaštenja za finansijsko poslovanje Izvršnog odbora za WTF,
- s) odlučuje o organizaciji i načinu obavljanja stručnih i administrativno-tehničkih poslova za potrebe Izvršnog odbora za WTF.

Član 41.

(1) Predsjednik Izvršnog odbora za WTF obavlja slijedeće poslove:

- a) saziva i predsjedava sjednicama Izvršnog odbora,
- b) potpisuje akte koje donosi Izvršni odbor za WTF,
- c) za svoj rad odgovara Skupštini,
- d) izdaje naloge za izvršenje plana prihoda i rashoda Izvršnog odbora za WTF,
- e) vrši i druge poslove za koje je ovlašten Statutom.

(2) U odsustvu predsjednika, zamjenjuje ga potpredsjednik Izvršnog odbora za WTF, sa istim pravima i obavezama kao i predsjednik.

(3) Ako Izvršni odbor za WTF broji više od jedne Članice Saveza, predsjednik i potpredsjednik Izvršnog odbora za WTF moraju biti iz različitih Članica Saveza.

(4) Ukoliko je predsjednik trajno spriječen da obavlja funkciju, funkciju vršioca dužnosti predsjednika Izvršnog odbora za WTF obavlja potpredsjednik sve dok predsjednik ne bude zamijenjen, u skladu sa odredbama ovog Statuta.

7. IZVRŠNI ODBOR ZA ITF

Član 42.

- (1) Izvršni odbor za ITF je organ upravljanja ITF sportom u Savezu.
- (2) Izvršni odbor za ITF broji 7 (sedam) članova (predsjednik, podpredsjednik i 5 (pet) članova), koje imenuje Izvršni odbor za ITF na prijedlog Članice Saveza.
- (3) Mandat članova Izvršnog odbora za ITF je četiri godine uz mogućnost reizbora.
- (4) Izvršni odbor za ITF ima svoj podračun.
- (5) Izvještaj o svom radu i finansijskom poslovanju Izvršni odbor za ITF podnosi Skupštini na kraju svake kalendarske godine, a po potrebi i kvartalno na zahtjev.
- (6) Izvršni odbor za ITF koristi pečat Saveza označen brojem 2 (dva).

Član 43.

Izvršni odbor za ITF:

- a) donosi program rada Izvršnog odbora za ITF i smjernice razvoja ITF sporta u BiH,
- b) razmatra i odobrava finansijske planove i izvještaje o finansijskom poslovanju za ITF,
- c) donosi, usvaja i mijenja Poslovnik o svom radu,
- d) donosi odluke o sistemu takmičenja ITF sporta na nivou Bosne i Hercegovine i nižim nivoima,
- e) donosi odluku o prijemu novih članova ITF-a, u skladu sa ovim Statutom i Zakonom,
- f) vodi registar članova ITF-a i izdaje članske karte Saveza za članove ITF-a,
- g) utvrđuje politiku međunarodne sportske saradnje i program međunarodnih takmičenja za ITF,
- h) osniva stalna i povremena radna tijela ITF-a, komisije, odbore, imenuje i razrješava njihove predsjednike i članove i potvrđuje im programe rada,
- i) razmatra i rješava žalbe ITF članova u prvom stepenu,
- j) utvrđuje disciplinsku odgovornost ITF članova,
- k) razmatra izvještaje o radu stalnih i povremenih radnih tijela,
- l) donosi Pravila i propozicije organizovanja i provođenja prvenstvenih ITF takmičenja,
- m) utvrđuje kalendar i odlučuje o mjestima održavanja državnih prvenstava, međunarodnih takmičenja i njihovim organizatorima za ITF,
- n) daje tumačenja opštih akata Izvršnog odbora za ITF,
- o) upravlja imovinom koju koristi ITF,
- p) donosi odluku o visini godišnje članarine ITF članova,
- q) priprema izvještaje, analize, informacije i druge materijale za Skupštinu,
- r) određuje naredbodavca i utvrđuje ovlaštenja za finansijsko poslovanje Izvršnog odbora za ITF,
- s) odlučuje o organizaciji i načinu obavljanja stručnih i administrativno-tehničkih poslova za potrebe Izvršnog odbora za ITF.

Član 44.

- (1) Predsjednik Izvršnog odbora za ITF obavlja slijedeće poslove:

- a) saziva i predsjedava sjednicama Izvršnog odbora,
- b) potpisuje akte koje donosi Izvršni odbor za ITF,
- c) za svoj rad odgovara Skupštini,
- d) izdaje naloge za izvršenje plana prihoda i rashoda Izvršnog odbora za ITF,
- e) vrši i druge poslove za koje je ovlašten Statutom.

(2) U odsustvu predsjednika, zamjenjuje ga podpredsjednik Izvršnog odbora za ITF, sa istim pravima i obavezama kao i predsjednik.

(3) Ako Izvršni odbor za ITF broji više od jedne Članice Saveza, predsjednik i potpredsjednik Izvršnog odbora za ITF moraju biti iz različitih Članica Saveza.

(4) Ukoliko je predsjednik trajno spriječen da obavlja funkciju, funkciju vršioca dužnosti predsjednika Izvršnog odbora za ITF obavlja podpredsjednik sve dok predsjednik ne bude zamijenjen, u skladu sa odredbama ovog Statuta.

VI ZASTUPANJE SAVEZA

Član 45.

(1) Savez zastupaju tri člana Predsjedništva, Generalni sekretar i zamjenik Generalnog sekretara Saveza.

(3) U postupcima u kojima Savez učestvuje kao stranka radi ostvarivanja svojih prava, dužnosti i odgovornosti pred nadležnim organima, ako to nisu u mogućnosti raditi Generalni sekretar i zamjenik Generalnog sekretara, predsjedavajući Predsjedništva može dati pisanu punomoć za zastupanje advokatu ili drugom stručnom licu.

VII SREDSTVA ZA RAD SAVEZA

Član 46.

Imovinu Saveza čine prava, stvari i novac, koje Savez stiče u skladu sa Zakonom i ovim Statutom.

Član 47.

Savez može ostvariti sredstva:

- a) iz državnih subvencija i ugovora sa državom, javnim institucijama, domaćim i stranim fizičkim i pravnim licima,
- b) iz dobrovoljnih priloga i poklona javnih institucija, fizičkih i pravnih osoba, kako inostranih tako i domaćih, u gotovini, uslugama ili imovini bilo koje vrste,
- c) iz sredstava ostvarenih od strane osnovanih subjekata za privredu i druge djelatnosti Saveza, a u skladu sa propisima,
- d) iz prihoda od kamata, dividendi, dobiti od kapitala, zakupnina, honorara i sličnih izvora pasivnog prihoda,
- e) od igara na sreću, u skladu sa propisima,

- f) od udruženih Članica Saveza,
- g) od članarina i kotizacija,
- h) iz prihoda stečenih kroz ostvarivanje ciljeva i aktivnosti Saveza, kako je određeno Statutom, kao i iz drugih izvora finansiranja u skladu sa propisima.

Član 48.

- (1) Obim, namjera i raspodjela finansijskih sredstava utvrđuje se Pravilnikom o finansijskom poslovanju Saveza kojeg donosi Skupština, na prijedlog Upravnog odbora.
- (2) O upotrebi sredstava, u skladu sa finansijskim planom odlučuje Upravni odbor.
- (3) Naredbodavac za izvršavanje Finansijskog plana i Programa rada je Predsjedavajući Predsjedništva.

Član 49.

Sredstva Saveza se mogu upotrebljavati isključivo radi ostvarivanja ciljeva i djelatnosti Saveza.

Član 50.

- (1) Nadzor nad upotrebom i raspolaganjem sredstava Saveza vrši Nadzorni odbor.
- (2) Predsjednik Nadzornog odbora je dužan o pravilnosti i ispravnosti trošenja sredstava Saveza izvještavati Skupštinu najmanje jednom u tri mjeseca.
- (3) O svakoj uočenoj nezakovitosti u trošenju i raspolaganju sredstvima Nadzorni odbor je dužan odmah izvjestiti predsjednika Skupštine koji će u roku od 15 dana sazvati vanrednu Skupštinu.

VIII NAČIN DONOŠENJA FINANSIJSKOG IZVJEŠTAJA I IZVJEŠTAJA O RADU

Član 51.

- (1) Predsjedavajući i članovi Upravnog odbora, odnosno predsjednik, podpredsjednici i članovi Izvršnog odbora za WTF i ITF imaju zakonski mandat i odgovornost za finansijsko-materijalno upravljanje.
- (2) Godišnji finansijski izvještaj predstavlja izvještaj na obrascima propisanim zakonom o poslovanju udruženja sa poslovanjem prema kontnom planu za Savez.
- (3) Godišnji izvještaj priprema i potpisuje Predsjedavajući Predsjedništva i isti dostavlja nadležnim organima.

Član 52.

- (1) Rad Saveza zasniva se na načelima javnosti.
- (2) Javnost rada Saveza se ostvaruje na način utvrđen Zakonom i ovim Statutom.
- (3) O javnosti rada Saveza brine Upravni odbor, Generalni sekretar Saveza i njegov zamjenik.

Član 53.

Javnost rada se obezbjeđuje:

- a) javnim održavanjem sjednica,
- b) blagovremenim i objektivnim informisanjem svih članova o radu Saveza,
- c) stalnom saradnjom sa predstavnicima sredstava javnog informisanja,
- d) objavljivanjem Odluka organa Saveza,
- e) primjena ostalih dostupnih oblika upoznavanja javnosti (web stranica).

Član 54.

- (1) Članovi Saveza imaju pravo da budu informisani o radu svih organa Saveza.
- (2) Za informisanje članova Saveza zadužen je Predsjedavajući Predsjedništva, Generalni sekretar i njegov zamjenik.

IX DISCIPLINSKA PRAVILA

Član 55.

Disciplinske mjere mogu biti izrečene za nesportsko ponašanje, povredu i prekršaj Statuta Saveza, Pravilnika ili odluka donesenih u skladu sa njima.

Član 56.

- (1) Detaljan način podnošenja prijava, izricanja mjera, kao i način podnošenja žalbe biće definisan Disciplinskim pravilnikom, koji donosi Upravni odbor.
- (2) Disciplinsku odgovornost članova utvrđuju Izvršni odbori za WTF i ITF u zavisnosti od člana protiv kojeg se vodi postupak.

X UDRUŽIVANJE

Član 57.

- (1) Savez se može udruživati i postajati član drugih domaćih i međunarodnih asocijacija i udruženja kao i drugih Saveza u skladu sa Zakonom i ovim Statutom, o čemu odlučuje Upravni odbor na prijedlog Izvršnih odbora za WTF i ITF.
- (2) Na osnovu odluke Upravnog odbora, Savez se može udruživati u Olimpijski komitet Bosne i Hercegovine, u skladu sa Zakonom.
- (3) Savez će se zalagati za učlanjivanje u WTF i ITF.
- (4) Odredbe ovog Statuta ne mogu biti u proturječnosti sa Statutima ovih Saveza.

XI POSTUPAK ZA DONOŠENJE STATUTA, IZMJENE I DOPUNE STATUTA, OVLAŠTENJE I NAČIN DONOŠENJA DRUGIH OPŠTIH AKATA

Član 58.

- (1) Osnovni opšti akt Saveza je Statut.
- (2) Savez može donositi i druge opšte akte: pravilnike, odluke i poslovnike.
- (3) Opšti akti moraju biti u skladu sa Zakonom i Statutom.
- (4) Pojedinačni akti su odluke, zaključci, uputstva i mišljenja.

Član 59.

- (1) Na sastancima organa upravljanja i njegovim komisijama ili drugim radnim tijelima obavezno se sačinjavaju zapisnici.
- (2) Zapisnici moraju odražavati tok rada sastanka i sadržavati odluke koje su donijeli organi upravljanja na svojim sjednicama.
- (3) Zapisnici moraju biti potpisani.
- (4) Inicijativu za izmjene i dopune Statuta može podnijeti svaki član Saveza.
- (5) *Inicijativa se podnosi Upravnom odboru pisanim putem i sa odgovarajućim obrazloženjem.*
- (6) Uvrđeni prijedlog Statuta dostavlja se na razmatranje i usvajanje Skupštini, najmanje petnaest dana prije održavanja Skupštine.

Član 60.

- (1) O izmjenama i dopunama Statuta odlučuje Skupština dvotrećinskom većinom glasova svih članova Skupštine u skladu sa članom 21. stav (3) i (4) ovog Statuta.
- (2) Predsjednik Skupštine potpisuje odluku o izmjenama i dopunama Statuta koji se smatraju originalom i čuvaju u arhivi Saveza.

XII OPIS, OBLIK I SADRŽAJ PEČATA, ŠTAMBILJA I ZNAKA SAVEZA

Član 61.

- (1) Savez ima pečat, znak, štambilj i zastavu.
- (2) Pečat je okruglog oblika prečnika 45 mm i po obodu ima ispisan tekst latiničnim i ćiriličnim pismom i na engleskom jeziku: Taekwondo savez Bosne i Hercegovine – Теквондо савез Босне и Херцеговине – Taekwondo Federation of Bosnia and Herzegovina, a u sredini je upisano sjedište Saveza: Sarajevo – Сарајево.
- (3) U skladu sa Statutom, a zbog efikasnijeg funkcionisanja Saveza, izradiće se više primjeraka pečata Saveza iz stava (2) ovog člana koji će biti označeni arapskim brojevima ispod naziva sjedišta Saveza.

(4) Štambilj je pravougaonog oblika, služi za protokol, ima ispisan tekst latiničnim i ćirilničnim pismom i na engleskom jeziku: Taekwondo savez Bosne i Hercegovine – Теквондо савез Босне и Херцеговине – Taekwondo Federation of Bosnia and Herzegovina, a ispod naziva je upisano sjedište Saveza: Sarajevo – Сарајево, sa prostorom za broj i datum akta.

Član 62.

- (1) Savez ima svoj znak-logo. Znak Saveza predstavlja granicu Bosne i Hercegovine (iscrtanu plavom i zutom bojom sa siluetama dva taekwondo borca sa lijeve strane.
- (2) Znak (logo) Saveza nema državna obilježja.

XIII USLOVI POSTUPKA ZA SPAJANJE, PODJELU I PRESTANAK RADA SAVEZA

Član 63.

- (1) Savez se može spojiti ili podijeliti u drugo udruženje u skladu sa Zakonom.
- (2) Odluku iz prethodnog stava donosi Skupština dvotrećinskom većinom glasova svih članova Skupštine u skladu sa članom 22. ovog Statuta.

Član 64.

- (1) Savez prestaje sa radom dobrovoljno ili po sili Zakona.
 - a) Incijativu za dobrovoljni prestanak rada Saveza može dati Upravni odbor Saveza ili 1/3 (jedna trećina) članova Skupštine Saveza u slučaju,
 - b) protoka dvostruko više vremena utvrđenog Statutom za održavanje Skupštine, a Skupština nije održana,
 - c) ako se broj udruženih osnivača smanji u skladu sa članom 22. stav 3. Zakona o sportu u Bosni i Hercegovini.
- (2) Odluku o dobrovoljnom prestanku rada donosi Skupština 2/3 (dvotrećinskom) većinom svih članova Skupštine Saveza u skladu sa članom 22. ovog Statuta. .

Član 65.

- (1) Savez prestaje sa radom po sili zakona, u skladu sa odredbama čl. 50. i 51. Zakona.
- (2) Savez je obavezan svaku statusnu promjenu prijaviti nadležnom ministarstvu u roku utvrđenom zakonom.

XIV PRAVILA ZA RASPODJELU PREOSTALE IMOVINE U SLUČAJU PRESTANKA RADA SAVEZA

Član 66.

- (1) Istovremeno sa odlukom o prestanku rada Saveza, Skupština donosi plan likvidacije Saveza, kojim se utvrđuje raspored imovine, prava i obaveze Saveza.
- (2) Skupština Saveza imenuje likvidatora čija je dužnost da se stara o izvršenju plana likvidacije i ovlašten je da zastupa Savez u postupku likvidacije i u postupku podnošenja zahtjeva za prijavu prestanka rada Saveza nadležnim organima.
- (3) Imovina kod raspuštanja Saveza, nakon izmirenja svih zakonskih obaveza, dodjeljuje se drugom udruženju koja obavljaju iste ili slične statutarne djelatnosti, a na osnovu odluke Skupštine.

XV ZAVRŠNE ODREDBE

Član 67.

Tumačenje odredaba ovog Statuta daje Skupština.


Član 68.

Statut stupa na snagu danom donošenja, a primjenjivaće se od dana upisa u registar kod nadležnog Ministarstva.

Broj: 01-2/13

Sarajevo, 27. 03. 2013. godine

Predsjednik
Osnivačke skupštine Saveza

Zoran Savić


OVJERAVA
Ministarstvo pravde
Bosne i Hercegovine

Broj :08-07-1-679/13
Sarajevo,25.06.2013. godine

